

Абайдың рухани әлеміне саяхат

Биыл қазақ поэзиясының биік шыңы Абай Құнанбайұлының 180 жылдық мерейтойы қарсаңында Арқалық қаласындағы облыстық №2 әмбебап ғылыми кітапханасында Ақпараттық-библиографиялық қамтамасыз ету бөлімінің ұйымдастыруымен «Ең үздік кітап көрмесі» байқауы өткізілді.

Дала данышпанының өмірі мен шығармашылық мұрасын кеңінен насихаттау, оқырмандарды әдеби құндылықтарға жақындата түсу және кітапхана ісін жандандыру мақсатын көздеген игі іс-шараға қызмет бөлімдерінің кітапханашылары белсене қатысып, Абай шығармашылығына арналған көрнекі, мазмұнды және креативті көрмелер ұсынды. Көрмелерде ақынның шығармалары мен қолжазбалары, ғылыми еңбектері, аудармалары мен өміріне қатысты жазылған зерттеулер, естелік суреттері қойылып, заманауи жасанды интеллект

қолданылды.

Сонымен қатар, оның рухани мұрасына деген қызығушылықты арттыру мақсатында Абайдың философиялық ойлары мен өлеңдеріне терең үңілетін әдебиеттер ұсынылды. Байқауда әр бөлім өз көрмелерін таныстыруда өзіндік шеберліктерін көрсете білді. Атап айтар болсақ, оқу залы бөлімі дайындаған көрменің тартымдылығы заманауи жасанды интеллектіні жас ерекшеліктеріне сай қолданып, ақын шығармашылығынан мәлімет беруде өте шеберлікпен үйлестіре білген. Өнер бөлімінде де жаңа заманға сай тамаша көрме жабдықталған. Сонымен қатар абонемент бөлімінде жас кітапханашы Ернар Төлеуов ақынның өмірі мен шығармашылық мұрасынан дайындалған көрменің тақырыбын терең ашып, өзінің сөз шеберлігі мен кәсіби білімін таныта білсе, балаларға қызмет көрсету бөлімінің қызметкерлері ақын әндерінен шашу шашып, керемет шығармашылық дизайнмен безендірілген көрменің шымылдығын түрді.

Бұл шара жас ұрпақтың ру-

хани азық алуына, кітапхана мәдениетін дамытуға және Абай мұрасын жаңа қырынан тануға үлкен мүмкіндік береді.

Байқау соңында әділқазылар алқасы әр көрмені өзіндік ерекшелігімен, шығармашылық ізденістерімен және көркемдік безендірілуі бойынша бағалап, жеңімпаздарды марапаттап, сыйлықтар табыстады.

Абай сөзі – асыл сөз. Абай сөзі – адамды адалдыққа адастырмай апаратын, білім мен ғылымға бастайтын даналық. Сол себепті Абай Құнанбайұлының 180 жылдығына орай, қазақ әдебиеті мен мәдениетінің үлкен мұрасы саналатын ұлы ақынның шығармашылығын насихаттау мақсатында өткен тағылымды шаралар алдағы уақытта да жалғасын таба бермек.

Ақын мұрасын дәріптеуде өзіндік зор үлестерін қосқан әріптестерімізге алғысымызды білдіреміз.

**Меруерт
ЖҰМАҒАЛИЕВА,
№2 ОӘФК
библиографы**